

江西詩徵

江西詩徵卷十三

南坡曾燠賓谷編輯

宋

曾幾

幾字吉甫贛縣人徙河南政和初以兄弼蔭入官
高宗朝歷江西浙江提刑與秦檜不合去位僑寓
上饒居茶山寺自號茶山居士檜死召爲祕書少
監權禮部侍郎提舉玉隆觀致仕卒諡文清有集
汪彥章內翰除守臨川以詩賀之

臨川內史詔除誰里巷傳聞報客知金馬門深曾草制水
精宮冷近題詩行看畫隼旌旗入定把書麟筆札隨若訪

毘耶舊居士無人問疾鬢成絲

三衢道中

梅子黃時日日晴
小溪泛盡卻山行
綠陰不減來時路
添得黃鸝四五聲

題訪戴圖

小艇相從水不期
剡中雪月並明時
不因興盡回船去
那得山陰一段奇

茶山

似病元非病
求閑方得閑
殘僧六七輩
敗屋兩三間
野外無供給
城中斷往還
同行木上坐
相與住茶山

謝路憲送蟹

從來歎賞內黃侯風味尊前第一流
祇合蹢躅赴湯鼎不須辛苦上糟邱

雪中登王正中書閣

對雪誰堪語登樓似欲仙
人家修月戶丈室散花天
峰疊釣簾外江橫隱几前
寒深落雁渚清集釣魚船
解病從摩詰消愁得仲宣
展書明細字烹茗涇踈煙
月好還同夢詩成已下弦
明年儻相憶爲一到關邊

諸人見和返魂梅再次韻

蠟炬高花半欲摧
斑斑小雨學黃梅
有時燕寢香中坐
如夢前村雪裏開
披拂故令攜袖滿
橫斜便欲映窓來
重簾幽戶深深閉
亦恐風飄不得回

壬戌歲除作明朝六十歲矣

禪榻蕭然丈室空
薰銷火冷閉門中
光陰大似燭見跋問
學祇如船逆風一歲
臨分驚老大五更相
守笑兒童休言四十
明朝過看取霜髯六
十翁

遊張公洞

張公洞府未著腳
向人浪說遊荆溪
欲看直上翠羽蓋不
惜扶下青雲梯
勁風翻動土囊口
暗水流出桃花蹊
卻將深處問兒輩
一夕飛夢窮攀躋

發宜興

老境垂垂六十年
又將家上鐵頭船
客留陽羨祇三月
歸去玉溪無一錢
觀水觀山都廢食
聽風聽雨不妨眠
從今

布鞵青鞵夢不到張公卽善權

宜興邵智卿天遠堂

目極雲沙靜渺然邵卿風月過年年雁行滅沒山橫晚漁
艇空濛水接天南國棠陰春寂寂東風瓜蔓日綿綿問君
許作鄰翁否陽羨溪邊卽買田

聞李泰發參政得旨自便將歸以詩逐之

苦遭前政墮危機二十餘年詠式微天上謫仙皆欲殺海
濱大老竟來歸故園松菊猶存否舊日人民果是非最小
郎君今弱冠別時聞道不勝衣

送倉部呂泊先守齊安

齊安剖竹要循良分付吾家坦腹郎賸有江山連赤壁終

稀獄訟到黃堂鈴齋晝永宜深念邊鎖秋高合過防此地
元之遺烈在風流容易鬢毛蒼

沈明遠教授用東坡仇池石韻賦予所蓄英石次韻
維南有絲溪溪石如水綠瞻相百里間抱負一夫足聲名
作災怪攻取及背腹在者畧無竒溪神爲輩蹙蠻烟瘴雨
地故舊實州牧坐令數峯青飛過大江濱何嘗說向人恐
類和氏玉公然遭奪攘不使得藏伏廣文到吾廬索隱妙
著卜東坡韻險艱句句巧追逐幽人所好出已占一林谷
又兼小崢嶸無乃太多欲端無耐久朋相與會心曲大勝
輕薄見浮雲變何速

次綠字韻

舍前南山青舍後北山綠捫蘿陟其巔策杖繞其足中間
奇絕處表裡見心腹登臨豈不佳老境日以蹙誰知怪石
供能坐我郊牧政應索幽遐何憚趨川瀆欽寄庾嶺南美
者色蒼玉賞音無東坡尤物多跼伏今年致書求屢以可
否卜故人爲遣送健步遠相逐雖非古仇池要是好崖谷
似爲天所矜此段獨從欲深慚昇致重路轉知幾曲安得
滄海神鞭笞使之速

還守台州次陸務觀贈行韻

蟬噪高柳岸鷺飛遠沙汀蕭然感予懷清靜游神庭老樹
失故綠殘芳謝微馨胡爲越名節日日晨昏星放纜西興
渡落帆浙江亭恭惟陛下聖萬國瞻儀刑黼座懸日月孤

燈耿熒熒况復如許病自知不能廷所以乞閒飲庶幾守
沈冥方虞秋霜嚴翻得春露零再聞芸草香一洗海物腥
父老喜我來無異化鶴丁兒童喜我來小駟騎青青諒有
隔生契不然定誰令四海習鑿齒幾年讀書螢新詩中律
呂雖美無人聽鳴聲勿浪出坐待軒皇伶

送秘丞羅廷揚將漕湖北

湖南八九州海內清絕地與公白鷄年接翼鴻雁使高堂
親八十無復遠遊意奉承萬事了趨走三節至詔書引上
殿帝曰汝國器置之蓬萊山身亦典中秘乖離如許久會
念差足慰胡爲未暖席歸與不可制人生故鄉樂况攬澄
清轡皇華遣使臣光采寧有是紅塵跨鞍馬老矣殊少味

著鞭輸公先吾亦從此逝

題張彥實舍人墓下湧泉亭

紫薇花底人去作泉下夢佳城閉青春風木號永痛寒泓
孰出之甘冽可抱甕乃知主地神效此清淨供汲引入中
厨色味勝乳湏老龍來試詩事有萬鈞重寄聲松大夫並
詣石翁仲俱修護持職以遺雲來用

題程伯禹給事漫吾亭

漫郎專一溪萬事俱不理胡爲墮我相名字出奇詭山林
軒冕歟等是寄焉耳程公榜亭意道眼深照此端居亦偶
然小出聊復爾宣城幻事了却夢歸故里結廬澄潭上盡
室清境裡木陰涼夏簟荷氣馥秋水遙岑招不來爲我列

窓几昔吾與今吾念念如脫屣心期次山外人要安石起
公勿賦遠遊行應去天咫

題南嶽銓德觀秋聲軒

月明雁叫遠露下蟬號寒幽幽草蟲泣索索梧葉乾愁人
知秋早聽此良獨難竹君南北美佩服青琅玕天風一披
拂庭宇聲珊珊靈宮蔭老樾別館如深山心淨鑒止水眼
明揖千竿虛籟自然奏有琴不須彈世議大可厭市聲無
少閒不如聽君語竟日簾垂閒

題臨川宰徐伯章心遠軒

徐侯心萬里身墮百里中政以詩禮廷上有鶴髮翁豈無
猷撈哨不入邱壑胸開軒寄遠韵几淨窓玲瓏竹影落夏

簾水光搖秋空一對鳬鷺行萬里牛馬風悠然見南山不
與俗眼同徐侯歸去來三徑資已豐身將心其遠勿爲督
郵恭

春初過王仲禮教授小園

幽居倦孤寂俗駕難追攀相攜筇九節徑造茅三間王卿
貧無事況得獨冷官衙門靜如水委巷深於山自言學爲
圃雖小殊可觀始至度畧約徐行轉闌干當階藝紅藥坐
待青春還春還未數日草樹清猶寒殷勤小梅花一笑冰
雪顏煮茗當酒醴言詩替吹彈君知靜中勝得此良獨難
相戒勿浪出黃塵點人冠

汪惇仁教授卽官舍作齋予以獨冷名之

昔君困蠶鹽蓬首窓下讀秋螢屢乾死明月以爲燭麻衣
肘欲穿才換一袍綠豈知冷淡債十載債未足書齋開冰
廳敗壁數椽屋橫經掇鵠鷺未省進鳧鷖窮通更事耳裘
扇有反覆直令張羅地便恐車擊轂先生粲可流示現着
衣服從渠勢炙手了不見涼燠小詩應大笑笑我未忘俗

相馬圖呈杜勉齋左司

造物出萬類貴賤伊誰分圭璋雜瓦礫世道同踈親旣收
大宛種一掃鴛鴦羣乃觀相馬圖低首先吟呻千金購死
骨舉國無其真生死何太晚鹽車負艱辛悠悠虞阪道赤
日煎紅塵行人亦何多具眼惟孫君一顧不旋踵價越連
城珍誰爲繪此像庸示將來人相馬失之瘦相士失之貧

于茲有鉅公數載居沉淪涵養浩然氣輪蹄任紛紜素識
太平相鶚表飛青雲紫泥日邊下八座生陽春攄心握文
柄引年啟賢門凝睇辨臧否立志安斯民他時了經濟丹
書畫麒麟回顧相馬者細務何足云寥寥載千古二道非
同倫相士今何人少陵身後身

陸務觀讀道書名其齋曰玉笈

自生民以來未有夫子盛六經更百代畧不覩疵病瞿聃
書角立亦各談性命空門甚宏放果報駭觀聽是以雖至
愚讀者無不敬周時柱下史設教本清靜至今五千言談
若鼓鐘磬雖爲二郤謠祇作二何佞遂令黃冠徒冷落度
晨興賢哉機雲孫道眼極超勝殺青貝多葉收貯腹中竟

慨然發琅函窓白斐几淨三家一以貫不事頰舌競吾皇
漢孝文恭已民自定願君益沈涵持以奉仁聖遠師曹相
國下視劉子政

言懷貽寓居

郊居麥風涼佛屋梅雨潤縈簾一炷香慙几百念盡時從
黃卷語坐愛青燈燼昏昏花亂眼種種雪侵鬢懷哉佳友
朋久矣闕親近其誰破愁寂令我生鄙吝及聞當過君請
以茗椀進言詩固不能把酒亦無分

明秀堂松

堂在柳
州路內

柳侯所爲邪十步一遺跡蒼官列前墀相對儼如客邪人
言此松曾及侍侯側風號四百年雪立二千尺江城閒草

木詩卷多採摘柑非往日黃柳是近時碧同生不同死乃
見老氣格尙想哦其間清聲出金石龍鱗未脫落熊軾幾
換易臨民有餘師視此古遺直

吳甥遺靈壁石以詩還之

閒居百封書總爲一片石牕中列遠岫所欠者靈壁吳甥
手持來知向何許得鏗鏘發金聲溫潤見玉色諸峯掃空
翠一水界山白嵯巖出其間如月挂虛碧坐令所珍藏不
作一錢直吾雖甚愛之子亦有此癖歸與雪溪旁從汝舊
知識欲去復遲遲摩挲遂移刻

何德器贈太湖石

愛山已成癡愛石又成癖徒聞有絲溪時復夢靈壁太湖

只在眼曾未收寸碧多自五嶺來仍煩百書索何侯小崢
嶸湖水深處得蒼潤波濤餘巉巖鬼神力摩挲復湔洗攘
取畏賓客偶然及幽事遣送初不惜俄頃交定盟歡焉慰
岑寂奪君書几間坐我洞庭側持還豈人情藏去有慚色
苦乏仇池篇如何滿高直

清樾軒

開軒在獨園繞屋得清樾不知何年樹殆爲今日設牕扉
落林影時復亂風月喧聲了不聞幽哢極可悅玉溪僧所
廬無似許明潔頗疑三昧手斷取從二浙禪房花木深此
語信佳絕何以落其成爐薰薦茗雪

香寂間

陂陀茶山西草樹無空空呼兒鋤其荒花木亂栽種葩華
以時拆薌澤得風送真成摩詰病幻出天女供游人等蜂
蜚晴日競喧哄靈堅不自持玉龍紛一閔誰知根塵間境
界極空洞誠能返其流當見寂不動花飛已無蹤香過忽
如夢于焉自聞聞爾乃得大用

橫碧軒

遊山心已灰但有愛山癖移家過溪住政爲數峯碧空濛
梅子雨了不見顏色朝來忽獻狀欣若對佳客晴牕卷書
坐蔥翠長在側似爲神所憐持用慰岑寂會登此山頭却
望水南北烟樹有無間吾廬應可識

七月一日復大雨

山頭一寸雲山下一尺雨青天在層陰未用遽披覩懸知
壠畝間不著簑笠禦呼兒趣秧稻喚婦催釀黍使君同戚
休有味勝鼎俎似聞小人言無復怨詈汝行看黃雲翻不
獨翠浪舞飭厨辦千觴飲客醉一舉不知城東湖今復深
幾許鷗鷺莫相疑龜魚且爲主

春晴

青春挽留渠不住白髮拋去吾安能東風送汝一杯酒從
此閉戶真同僧除蘂芍藥待判斷腰鼓橫笛當施行奈何
但效鵲鳩輩竟日討論陰與晴

次程伯禹尚書見寄韻

往年書到西風涼病夫隨牒天一方今年書到玉溪上暖

空白露爲清霜人生俯仰成陳迹只有一邱如宿昔故鄉

傑閣公飽山

陳所居閣名

野寺幽軒我橫碧

予所寓軒名

石交曉月

長庚星勢交飛絮水上萍往時玉溪二三老死生貴賤論
交情歸來訪舊其誰羨程公筆力猶強健鄭公霜鬢未成
絲掛冠不受兒曹勸公于道德猶耕獵所得不隨天下裂
胸中具眼世莫知筆端有口公能說豹文未省一斑窺戲
逐羣兒日課詩詩病無人與商略前腸浣胃付神醫

禽聲

不如歸去東臯上美酒提壺迎婦餉何妨脫袴着新衣百
箔蠶絲繭如盎春泥滑滑未沒腰田家布穀初立苗牧兒
喜舞麥熟也報答爾曹婆餅焦

次折仲古游潯州桂園韻

鷄犬圖書同一舸老夫蕩槳兒扶柁潯江一繫欲生根夢
下湖南向江左極知越俗留連客性不相投如水火是誰
招換寫羈愁挂頰西山雲數朶雲山下有園五畝不植側
生旁挺果十年蓺桂待芳辛歲晚風霜深印可有懷澤畔
入騷辭配以蘭椒真類我斧斤竟不赦孤根問主林神安
所坐乃知有用禍先集社櫟之徒最繁夥徑須澆下硯磊
胸乞取青錢供白墮

爲張四明作

時張有四
明之命

一生所聞張仲蔚閉門蓬蒿深幾尺邇來伐木聲丁丁手
披榛叢待三益徑中踏破蒼苔色定是幽人芒屨跡莫將

車邊兩輪赤奪此千竿一池碧

玩鷗亭

乃翁獨步辭雲間五花判罷遊金鑾甘泉頗勞侍從事夜
直必夢江湖寬晚遭忌刻泛湘水衆爲不樂公欣歡白鷗
無數沒浩蕩相親相近俄相安何曾一旦舞不下始信前
事盟未寒文章炳蔚冠當代衣被諸子猶班班攜持扁勝
向陽羨往日風味追令還乃翁閒散莫浪許乃翁青紫當
拾取回施佳名與老夫長共羣鷗卧煙雨

蚊蠅擾甚戲作

黑衣小兒雨打腮斑衣小兒雷般牀良宵永晝作底用只
與二子更飛揚開尊七箸須一洗破卷燈火尤相妨從來

所持白羽扇自許百萬猶能當安知手腕爲汝脫以小喻
大真成狂揮之使去定無策葛帳十幅眠空堂朝喧暮悶
姑聽汝坐待九月飛嚴霜

仲夏細雨

霖霖無人見芭蕉報客聞潤能添硯滴細欲亂爐薰竹樹
驚秋半衾稠慙夜分何當一傾倒趁取未歸雲

蘇秀道中大雨

梅雨又時雨蘇州仍秀州客行無六月農事有三秋雲氣
深鴻雁煙波沒白鷗衰年慚愧汝物役幾時休

病起贈曾宏甫

同病仍同起無聊獨自今酒杯君入手藥裏我關心極暑

方無奈新涼又不禁呼兒鋤徑草萬一故人臨

龍溪新亭

不識梯山路今聞駕壑橋蛟龍深窟宅松竹半雲霄與子
成二老由來非一朝崖藤如暫寄還往肯辭遙

雪中次韻

積雪何所待凍雲終未開有時聞瀉竹無路去尋梅只欲
開門卧誰能蕩漿來辟寒須底物正乏麴生才

效諸生作雪中探梅

野梅消息近踏冷訪林端東閣尊空滿南枝雪半殘疎條
未禁笑真態欲欺寒後夜花應好仍勤束火看

嶺梅

蠻煙無處洗梅堦不勝清顧我已頭白見渠猶眼明折來
知韻勝落去得愁生坐久江南夢園林雪正晴

新種竹有筍

此君非俗物今歲有佳兒徑密無人見僧來報客知西家
應滿地上番欲橫枝添得清聲未君聽風雨時

嶽麓寺

嶽麓知名寺幽尋到眼邊林深不見日山靜只聞泉便欲
呼舟去聊爲借榻眠明朝遊歷處都在小牕前

嶺外出巡

嶺外身逾老江南首重回有猿啼夢破無雁寄書來山雨
晴猶濕蠻煙晝不問如何緣許事奪我手中杯

何德器寄道州怪石

一去春陵郡天星幾度回身今鏡湖住山自道州來指點
雙巖出摩挲一笑開是誰營致此石友似陳雷

歸途

歸途似烏鵲得樹且依棲一寸客亭燭數聲村舍鷄路長
風正北野曠日沉西夢作詞官去江干八馬蹄

初還信州呈寓居諸公

萬事不稱意一生長損心稍知閒有味又覺老相侵田舍
那能問溪山未暇尋清歌一杯酒聊與故人斟

送李商叟

好去皇華使佳哉所領州職除天祿閣家近岳陽樓一別

誰青眼相逢各白頭西來多驛騎能寄短書不

蘇秀道中自七月二十五日夜大雨三日秋苗以蘇
喜而有作

一夕驕陽轉作霖夢回涼冷潤衣襟不愁屋漏牀牀濕且
喜溪流岸岸深千里稻花應秀色五更桐葉最佳音無田
似我猶欣舞何況田間望歲心

撫州呈韓子蒼待制

一時翰墨頗橫流誰以斯文坐鎮浮後學不虛稱吏部此
生曾是識荊州相逢未改舊青眼自笑無成今白頭聞道
少陵新得髓離言語處許參不

子蒼攜和章見過用韻爲謝

胡嶺三年自竄流歸來差慰此生流以政緣天下無雙士非
爲江東第一州懸榻坐中難入眼設羅門外少回頭神詩
不意高軒過問里人曾到此不

李子長縣丞示詩卷

乃祖天邊太白星裔孫名字見家聲官曹卑似崔斯立句
律清如庾義城贈我不知相報答投人政恐未分明丞哉
于子原無負松竹成陰水亂鳴

次勸農韻

典郡治中總得賢郊原一出萬人傳山行野渡時時雨婦
餉夫耕處處田說與老農無罪歲但當力作有逢年驅兒
播種貧家事可奈西疇只仰天

乙卯歲江南大旱七月六日臨川得雨奉呈程伯禹
待制

縹緲爐煙上帝闈朝來一洗旱如焚
龍頭無復成龜兆水面初看起縠紋
政使夏畦吹白玉未妨秋稼割黃雲
使君閔雨心猶在化得邦人不茹葷

送曾宏甫守天台

莫作陽關墮淚身丹邱勝事要君聽
興公賦裏雲霞赤子美詩中島嶼青天近
豈無宣室召地偏猶有草堂靈
鑾坡飛上勤回首記取來游舊客星

送賀子忱參議之官閩中

越侯賓客有輝光
領袖今年得望郎
詩似拾遺留劍外
才

如處士去河陽到時晚
荔論園買舊日春茶洗
盞嘗壁水同僚幾人在
賸將書疏及滄浪

卽事

野寺山家兩寂然
小牕下有白頭禪
微風不動爐烟直
永日方中樹影圓
隱几讀書長竟夕
閉門覓句可忘年
幸無馴馬高車客
觸忤幽人到眼邊

避寇遷居郭內風雨淒然鄭顧道餉酒

烟雨昏昏一月梅
全家避賊寄城隈
欲尋碧落侍郎去
遽沐青州從事來
令我妻孥爭洗盞
想公伯仲政傳杯
安能鬱鬱久居此
且傍茶山松徑回

遊靈川縣水洞

清溪東南馳礙此碧玉峯蛟龍夜相宅奮迅生雷風割開
兩貝闕鑿翠成珠宮坐令空洞處一水油然通泉流百道
來投注萬斛鐘不知深幾許湛若鎔青銅定應天下稀豈
但湘南雄嘉與二三子葉舟渺相從周旋乳蓋底蕩漾菱
花中爲我告行客無爲苦匆匆小酌清冷淵洗汝塵全曾

澈浦縣鄧夢授主簿惜日軒

羲和鞭白駒秋日淒已短向來曬書地欲作炙背暖鄧侯
問西軒東下歌纂纂前山隱半規悵望支手版我慵類天
賦身世兩不管著鞭慙祖生運甕謝陶侃銅壺一百刻夜
夢分去半午窓又爲祟長閉讀書眼勉旃崇明德已事不
可緩作詩非爲君實自警疎懶

澈浦枵木洞蓋神龍所居今年夏大旱縣官乞取其
水以禱立應民猶以爲未足因作是詩以遺諸公致
再請之意焉

傾心南山雲如渴望梅嶺朝來有佳思挂笏不見頂豐隆
駿奔走列缺兀馳騁雨不到人間風伯乃爲梗生來食官
倉四海無二頃歌詩視天漢一念極耿耿階前甃清泉洮
顙冰雪冷乾喉欲生煙空下百尺綆幽軒竹三四柯葉殊
秀整邇來頭擔地但懼不得永以斯占稻粱生意魚在鼎
潛蚪民司命膏澤浸茲境邑官樹嘉政責報甚形影餅罍
走十里豈憚一再請君其潔齋俟百穀正延頸客子無遠
謀空腸望遺秉

竹塢

煙雨百餘年茅茨數間屋中有在家僧蕭然如此竹

聞東湖荷花盛開未嘗一遊寄鄭禹功

言登巾子山天外入眼界呀然城之東一鑑如許大得非
所領州其下臨渤澥乃知湖浸闊便覺井邑隘朝朝橫鳥
紗暮暮束韋帶何曾官事了祇使人意敗徑須水清冷一
洗胸芥蒂昨來放船好如更宅爽塏四圍純浸山碧玉亂
石黛兼隨鄭廣文人境兩疎快維揚幾同僚獨喜此翁在
只今萬紅妝一一倚青蓋柳陰閒畫舫荷葉遶公廨鬢絲
禪榻上句法出蔬菜因之雙鯉魚慎勿欠詩債

胡致隆

致隆字藏之清江人不事科舉自號蕭灘居士與
山谷往來政和初上封事以布衣召未及對而卒

題吳生畫桃源圖

王宰十日畫一石左思十年賦三都誰似今時吳道子
嗟能辦武陵圖武陵不與人間隔可憐舊日無尋覓蒼蒼
煙水只依然試倩漁舟問消息

題瘞鶴銘

當年誰爲裹元黃潮打孤城草木荒華表竟無新信息斷
碑空有碎文章雲埋紫蓋峯何在煙鎖青田路正長還想
華亭披道氅夜隨明月過錢唐

星子樓

言得 卷一三
葛巾藤杖竹籬條靜夜江樓縱目初海獸擎山出彭蠡玉
龍銜水下匡廬三更雲盡猿啼露十里月寒人捕魚已向
湖山借閑地他年來此老樵漁

山谷坐上分題賦藕

平生冰雪姿七星羅心胃豈無有絲毫上裨天子聰而不
自見達胡爲乎泥中沈疴正無賴安得君從容其子亦可
憐風味如乃翁

喜曹劉二從事見過

蕭蕭細雨鎖柴門喜見風流二使君俊逸萬春猶錄事清
新子建尚參軍飄零世路詩千首寥落江湖酒一尊多病
揚雄謝來往暮年誰更可論文

仰山

山下清泉迸石流山前松竹自春秋猿吟古寺偏深處雲
在諸峯最上頭五老有靈飛遠渚二神無語鎖寒湫諸天
更在藤蘿外欲借丹梯恨末由

楊

杞一作
祀

杞字元卿廬陵人少以名節自勵政和二年進士
官宣州僉判學者稱鱣堂先生有集

絕句

三間茅屋獨家村風雨蕭蕭可斷魂舊日相如猶有壁如
今無壁更無門

楊邦乂

邦又字晞稷吉水人杞兄政和五年進士歷官教授改知溧陽縣建炎三年金兵至被執不屈死贈直秘閣賜廟褒忠諡忠襄

寄從弟鱣堂

從前我亦慕耕桑世故驅人起北窗昨夜夢歸驚邂逅羊裘和雪釣桐江

一片長江滾滾流此生何日遂歸休秋風準擬搔人耳可待霜寒始索裘

洪皓

皓字光弼鄱陽人政和五年進士建炎三年假禮部尚書使金不屈被留十五年始還除徽猷閣直

學士尋謫英州徙袁州卒復官謚忠宣有郗陽集

次彥深韻

德星堂上排家宴壘簾合奏延羣彥彥清好士處左迎遂
拉友朋來會面新禮將行要討論舊章欲舉須淹練乃公
功業世無有劍履應須尊上殿冢嗣風流邁阿戎眸子爛
如巖下電紗籠名姓鬼護持閣畫形容人健羨先幾頂獻
萬言書壯歲曾看百將傳濟世雄圖仍屈伸窮途飾句殊
精練彥亨俊逸簪鮑昭辭藻摛華如會弁昇平方議戢干
戈粉澤豈宜焚筆硯大慮終蒙王鳳招奇謀靡伏無知薦
子適揮毫八體具怒猊渴驥獲再眄但當寶惜比蘭亭未
可捐去同秋扇彥隆能挽兩石弓丁字不識橐鞬便衝冠

遙憶蘭相如衣繡莫誇江次倩彥深和粹貴公子醍醐味
美夸珍饌一善拳拳早服膺射策君門嘗決戰起家正可
二千石筮仕寧希百六掾坐中我是江南客萬里尋盟負
恩眷下齊弗免田橫烹楚漫勞吳子唁藉酒破愁茲不
勝憑詩遣興何曾倦匠巧旁觀祇汗顏櫝藏待賈寧沽衍
可堪僵仆雪填門無奈裂膚風勁箭范叔綈袍也自寒須
賈故人空戀戀

彥清生日

朔旦得天正王孫慶始生北溟鵬已化東國鳳先鳴卓爾
神峯秀昭然冰鑑清謀謨曾啟沃議論復縱橫棣棣威儀
富汪汪軌度宏古今書並覽遼漢宇兼行折獄嚴無訟齊

家肅有聲從軍依玉斧教子勝金籬
築館勤延客趨庭靜戢兵坐桑觀
政異飛鳥入朝輕避亂迎文若聞
歌戲武城妙齡聊製錦強仕且和羹
可謂田門相寧譏尹世卿青雲應
速致綠綬諒垂榮正是頗勞止何
當早太平七年淹伴讀萬里阻求
成報主心雖切思親骨亦驚自嗟
同陟屺誰與共班荆冬日凌晨至
祥星際曉明老彭知易比五福不
難并

次韻學士重陽雪中見招不赴

二君氣概繼雷陳九日哦詩妙入神
季友凌雲芳草賦孟公驚坐正延賓
難陪鳳嶺登高宴且放牛山出涕辛
獨卧薦蒙思橘贈數箱潛發洞庭春

憶孟懷陶迹已陳杖藜弔影召魂神假書豈料狸爲士帶
箭寧思鶴是賓臂上垂囊災可代江邊錫宴食多辛典衣
本欲作重九冒雪難尋石凍春

七稔艱難不敢陳行藏且問蓐收神遠來豈爲謀身事久
執無緣厠國賓妄意合成同晉楚羞言著節繼蘇辛亥哉
庾信江南賦悶讀頻移玉座春

一介蹉跎略敘陳轉喉觸諱聽于神正愁平子將除館強
學申公亦謝賓厚貌深情非易察磨肌戛骨不勝辛傍人
門戶休爭氣惟願歸耕向富春

過封邱見熊主簿

封邱封父國繁弱大弓良人器今安在興衰古不常畫旗

連衡滑綸句得高張里閨黎元少兵戈畎畝荒蓬深僥雉
免日夕下牛羊富庶思畿甸衣冠邇帝鄉故人憂濩落新
令喜商量失意慙口口銷愁痛引觴離家多歲月去國幾
星霜種種心俱短悠悠道且長何須論出處祇合謹行藏
俟命宜居易安時強激昂勾稽迷簿領陶寫賴篇章後嗣
從渠分前程問彼蒼君無須買戀我乏陸生裝釁鼓囚方
釋班荆語未忘前生愧蘇武異縣識仇香話別傷懷地潛
然出數行

題張侍郎松菊圖

松青抱正性菊黃得正色蔚在卉木間厥異存簡策流膏
貫衆壤千歲名虎魄落英通鼻觀服餌供楚客安神制頽

齡坐使生羽翼乃知獨也正二物孰能測淵明宇宙心五
斗詎可易歸來薤三徑去草甚蟲賊嘉此松菊友相見猶
夙昔浮雲世態薄改變在頃刻張公廊廟具胸中有泉石
緬懷松與菊晝夜忘寢食築堂坐相對論契過三益可見
達人心紳笏等徽纆功名倘入手脫屣諒匪久此言吾不
諛爲我書堂壁

題黃氏所居

環翠五六里深藏三四家風高鳴雁亭春煖苗蘭芽門巷
分楠直溪流帶竹斜我來風雪曉倚杖看梅花

謝舉廉

舉廉字民師新喻人政和間以進士宰南康曾以

詩文受知東坡有藍溪集

戲題指紋鬥牛圖

左者前其角右者後其足
洩君雙指螺戰此兩殼
棘草長水遠日悠悠
不在桑間自在休
蝸頭尚可屠蠻觸壁上從
今鬥二牛

西捷口號

聖明陛下如先帝
闢國謀臣似召公
不遣毛嬙嬪漠北只
將魏尚守雲中
百年境土逡巡復
萬里窠巢指顧空
今日版圖非昔日
玉關西有嶺名蔥

吳沆

沆字德遠
崇仁人
政和中與弟澥各獻所著書
澥

得免解沆抵廟諱罷歸隱居環溪號無莫居士紹
興中舉不求聞達者郡以沆應有環溪集

和友人趨寧化

聞君早晚趨寧化尚有新詩別故人試問幾程端可到還
憂半載不相親傷心歲律崢嶸暮解事梅花摘索新去去
冰霜頻莫厭庭闈和氣卽如春

春遊吟

鳥語煙光裏人行草色中池邊各分散花下復相逢

首夏

積雨有餘潤游雲無定陰燕飛華屋靜鶯囀碧窓深

吳濤

濤字德劭崇仁人沈伯兄

在官院日作

時乖事轉拙端居徒含情不似堦前草春來隨意生

絕句

遊子春衫已試單桃花飛盡野梅酸怪來一夜蛙聲歇又
作春風十日寒

吳 洸

洸字德強崇仁人沈仲兄

暮春回文

嬌聲轉處藏鸚小美睡濃時落日斜橋拂柳溪深漲水眼
驚春雨亂飛花

羅從彥

從彥字仲素南昌人寓閩之劔浦以累舉授博羅主簿師楊時講學朱子稱爲任重詣極旣而築室山中絕意仕進紹興中卒學者稱爲豫章先生淳祐間追諡文質

挽吉溪吳助教

新生誇躑躅舊德歎凋零冷帶商巖月光凌處士星布衣難得祿白首易窮經追想今何在溪流對洞庭

和延年巖桂

幾樹芬芳氣欲沈枝枝若占鄰家林風搖已認飄殘菊日照渾疑綴散金仙窟移來成美景東堂分去結清陰我今

不願蟾宮折待到秋宵把酒吟

王庭珪

庭珪字民瞻廬陵人深易學登政和八年第官衡
州茶陵丞拂衣去築草堂於瀘溪因號焉以詩語
忤秦檜流夜郎檜死召還除國子監主簿主管台
州道院年九十三卒著有瀘溪集

題宣和御畫

玉鎖宮扉三十六誰識連昌滿宮竹內苑寒梅欲放春龍
池水暖鴛鴦浴宣和殿後新雨晴兩鵲飛來東向鳴當時
妙手貌不成君王筆下春風生長安老人眼曾見萬歲山
頭翠華轉恨臣不及宣政初痛哭天涯觀畫圖

舟次白沙

朝發螺浦湄暮宿白沙口初爲夜行計有物應掣肘山雲
四面起風濤半江吼落帆危石磯就枕不敢久林深鳴鵲
鵲村遠聞鷄狗夢覺如月明破篷見午斗起視天色清解
纜欲放溜浪頭聒天響掀簸入我牖蒲帆未及張篙師復
回首渡頭有古祠壁畫雜怪醜舟人相與言勸我酬神酒
出處本細事陰晴亦常有我固不問天豈問土木偶

送吳叔舉主簿往清江受納秋苗

田頭作穀催入場一半白著輸官倉廬江主簿喜懷檄放
船椎鼓開帆檣蕭灘老農公事畢夾道歡呼羅酒漿笑言
歸去喚妻子今年租米官平量

劉子晞陽貧甚爨烟不屬而讀書不輟作詩遺之以
激勵其志因敘其貧之所以然冀當塗有聞之者

荷鋤初讀書中原已鼎沸輟耕仰太息衣食尚卒歲墮呼
傳點丁田廬忽湮替產盡猶索租從何出租稅迺知天寶
後信如石壕吏君門九重深旗戟森兵衛朱轡背相望莫
肯察凋弊賴子天資高追琢自成器時能從諸生扣門來
問字長篇爛溢目春葩吐奇麗飢雖不堪煮要自飽風味
迺翁昔好事賓客常滿位小兒聽客語炊甑忘箸筭豈慮
飯成糜爾來糜亦廢誰能饋升斗與子黔突喙

送宣向卿往衡山兼寄胡康侯侍講

海內甲馬未盡休豪英爲時當出謀天生奇才必有用何

乃相率居岩幽胡公人品今第一汗漫久作朱陵遊朱陵
窟宅倚蒼翠此公招隱安可留九廟今誰起頽壓四方正
爾煩誅求我聞昔時元刺史春陵地分天子憂少陵作詩
頌其事至今人傳元道州公爲道州績尤偉誰爲再作春
陵謳孤城疲卒捍狂賊高論力詆庸兒羞安得如公數十
輩參錯天下爲邦侯京洛腥羶不難掃潢池寇孽不難收
願公早請尚方劍先斬佞臣張禹頭

同陳思忠訪洪覺範

尋春反向僧房卧無乃行藏與時左起來刮目覽新詩花
壓欄干夢初破黃葉丹楓屬興深吁然莫測疑楚些惠休
鳥可沒已久二百年來無此作世間何處著斯人秀句天

教出寒餓我氣未衰詞頗弱欲借鼓旗聊一佐終朝巖下
不逢人苔色應嗔馬蹄泥

李仲孫佩軒

我友李仲孫飭身一何介被服古衣冠昂然偉而怪開軒
蓬戶中納蘭以爲佩布袍揖公卿脫幘卧江海方其得意
時天地不能碍荷鋤入深林翦薙發幽薈清芬動窻壁蕙
若連光彩君看紫綬翁腰垂黃金帶璜玕錯琚瑀印章如
斗大步趨踏龍尾鏘然中音會豈如此香草擢秀繁霜外
秋風落萬木臭味久逾在我思軒中人免食三斗艾夢寐
欲見之一往清鼻界

戴國和得潘衡墨法於言意之外今攜之湖湘必有

識之者作詩以送之

老潘膠法秘不傳君獨得之乃其天此法髣髴如叅禪忽
然有省夜不眠又如神仙換骨法應手不自知其然湖東
大帥天下賢詞源如海筆如椽本是玉堂揮翰手正要此
物供磨研醉題李白三百首掃盡將軍九萬牋老潘歿來
知幾年聲名始落瀟湘川君不見呂洞賓竹絲籃子烏紗
巾長安市上無人識喚作湖西賣墨人

入辰州界道中用頌子韻

路入荒溪惡波穿亂石跳騎驢行木杪避水轉山腰倒挂
猿當道橫過竹渡橋吾生本如寄歲晚尚飄颻

憶馨鴻二孫

余竄夜郎日二孫纔三四歲阿馨已誦得數部書
兼寄書紙來阿鴻尚幼余甚念之作憶馨鴻詩寄
令誦之

憶汝何時見愁眉此日舒別來三換歲誦得幾多書字稍
堪拈出翁今喜有餘阿鴻纔弄筆相對想軒渠

春日山行

緩鞚青絲馬不嘶春山草長靜柴扉迸林新筍斑斑出隔
水幽禽欸欸飛雨過泉聲鳴嶺背日長花氣撲人衣雲藏
遠岫茶烟起知有僧居在翠微

再過東岡

物色江寒楓葉凋江邊微雨暮蕭蕭白沙翠竹舊行路碧

水朱欄新渡橋盡室當時避征戰十年間事付漁樵如今
傑屋明人眼一笑端能覆酒瓢

題郭秀才釣亭

野澗江寒一雁飛碧蘆花老鰕魚肥遶欄綠水秋初淨滿
棹白蘋人未歸醉任狂風揭茅屋卧聽殘雪打蓑衣他年
欲訪沙頭路會自攜竿扣竹扉

送胡邦衡之新州貶所

囊封初上九重關是日清都虎豹閑百辟動容觀奏牘幾
人回首愧朝班名高北斗星辰上身墮南州瘴海間不待
他年公議出漢廷行召賈生還

次韻周公弔秋日書懷

酒酣下筆不能休寫盡江南萬斛愁長史果爲何物漢中
軍不是置書郵又聞戰馬將休息且任浮鷗自去留觸目
西風易增感山川信美莫登樓

送頓子還廬陵

頓子遠來夜郎省余聞其婦方卧蓐不欲久留而
戀戀不忍去乃令上沅湘至昔人窺九疑處得下
武陵溪入荊州由巴陵武昌洞庭黃帝張樂之野
觀開闢以來造化擘出瓌雄怪譎之處却由瀟湘
以歸做廬作數語示之明日乃行

東歸未辦武陵舟送汝翻成一段愁雪點傲裘騎瘦馬春
寒幾日到荊州湖山天濶洞庭野吳楚月明黃鶴樓莫苦

回瞻白雲嶺是行聊學子長遊

次韻歐陽廣明以詩送鉢孟

方丈盈前送八珍山人不是此中人試尋僧鉢齋厨近更
喜園官菜把新秋滿城頭看落葉風吹酒面已生鱗何時
共過溪邊寺雪夜扁舟發興頻

次韻盧元贊江亭卽事絕句

江水磨銅鑑面寒釣魚人在蓼花灣雲開貪看新月上不
覺小舟流下灘

夜坐聽沅江水聲

雨過風林生夜清坐邀明月正關情漁童酒醉莫吹笛要
聽一江秋浪聲

夜郎歸日答葛令惠詩

七載投荒萬里餘交遊半作曉星疎門前梅柳換新葉忽得故人相問書

黃彥平

彥平字季岑號次山豐城人政和八年進士建炎朝仕至吏部郎中出提點湖南刑獄靖康初坐與

李綱善貶官南渡後數上劄子論事有三餘集按宋

藝文志作黃季岑王餘集焦竑經籍志作黃次山三餘集宋詩紀事則云黃次山字季岑今據豐城志校

正

二妃廟

舜生諸馮沒負夏南游晚塋蒼梧野九峯中隱土一坏草

樹蒼茫誰辨者皇英不耐只孤墳妃祠別占清湘原畧無
石馬充故物但有叢筠志淚痕山川相遠終相望衣冠來
游環佩響風急真成鶴羽飛波寒不隔龍工往蛟室何人
相與居月明警蹕萬靈趨未論甄后拾翠羽定見李白騎
鯨魚

田家春日

緯竹梁溪而誅茅舍道旁臘收冰下紙春課誰前薑露草
牛羊長風花杖屨香人生皆若此官獨爲誰忙
遲日芳衆草微風被野田荒山有吠犬窮屋亦炊烟花已
清明近茶將穀雨前供輸了官事麤糲任吾年

還自豫章寄謝胡帥承公

翰墨南州士弓刀北府兵幾年聞戰伐兩地費經營
僉父吳兒笑儒冠武弁輕人才廣收拾歸共致升平

弱水

弱水三萬里仇池十九泉頗疑仙境界不隔世山川
海濶雖無地壺深別有天何因霜雪後一壑獨蒼然

次韻朱希真贈別

白頭纔半刺黃卷謾三餘鬢禿絲難理詩工錦不如
登山靈運展下澤少游車子念從吾隱吾能授子書

偶伴浮雲出還尋倦翼歸泝流扶楚柂長夏及荆扉
故國荒喬木勞歌厭采薇本非求獨往要自隔羣飛

約建德蔡令游梅山晨起微雪

長年蹤跡困塵埃幾向名山勒駕回
閑約訪僧尋野寺翻成踏雪看官梅
岫雲要是無心出溪月猶能有興來
竹折松欹更愁絕不妨吟賞助清哀

青回沙際草先知稍傍芳林上故枝野寺殘僧微雪後凍雲寒雁共來時
不愁眼裏無詩本却要胸中有畫師
已拚入城官長罵留連風物得歸遲

吳虎臣獻書行闕

山北山南烟靄橫破烟啼鳥已催耕
能來夜雨連床話大似春風不世情
琳館陸沉吾已老金門寵辱子方驚
集賢學士應相謂詩客形容太瘦生

聖節有感

謾說南風入舜絃傷時撫事益悽然
悄悄新綠愁鵲鵲悄怕殘紅拜杜鵑
心折更聞胡部曲眼明鄴復御爐烟
蒜山度步江南北寶鑑經囊若箇邊

歸途次韻

霏紅點點胭脂雨唾碧濺濺卷畫溪
送客歸來問山館一聲啼鳥日平西

村落人家柳過牆舞腰曾共小姑長
點粧拂黛留相學卷葉吹蘆莫漫狂

寒食猶須數日間楚亭才隔幾重山
歸時便有桃花否試攀華賸問曲欄

隔年重到浯溪路旌獸行疎鬢雪添
幸有江山供弔屈愧

無書舊詠來廉

春風喬木浯溪寺指點溪流問故家庭下已無書帶草步
頭猶有水仙花

湘桃亦作春風面與拭中原淚眼看舊染天香悲麥秀續
書王夢失槐安

巫山生女不必醜湘樹開花也自紅爲問黃塵奉嬌子如
何青歲嫁東風

楚山雲日晝昏昏歎息皇妃尙有村鼓瑟聽渠悲帝子凭
肩那得學天孫

逢人怕作宣明面爲米誤折淵明腰光陰客裏深相憶泉
石家山特見招

剡水殘山明竹屋暖風晴日帶桃花輕羅小扇親曾見花
外青帘是酒家

羅 敷

安泰和人政和八年解試官迪功郎知滄光縣

蟠龍山

蟠龍山名何所因爲言山作蟠龍形欲尋地志質諸古適
遇野叟傳於今偉哉造化巧經始斲以斧鑿初無痕四旁
坦夷渺原隰一徑窅窅森松筠回旋屈曲隱頭角蒨鬱葱
翠含精神若蹲若踞翫清隱不起不蟄司芳晨遙空水面
素澄澈縈若珠顆尤鮮明政當領下不易奪況復鱗逆誰
能攔我疑此龍蟠亦久一日得志當求伸轟雷掣電掀碧

漢驤首曳尾凌青雲會從古穴起靈霓用作霖雨蘇蒼生
豈惟厚澤沛寰宇兼有餘潤清邊塵乃知神物終變化肯
容虬肆甘沉淪嗟余避寇偶居此坐見牙璋爭起兵張皇
旗幟亘長道考擊鐘鼓辭嚴城共期元惡心膽破不待迎
敵神魂驚何知鼠輩怙同惡相與蠶食徒經旬傾囊竭篋
極侈欲戢戈纍矢尋歸程遂令強賊愈猖獗絕流肆毒災
生靈未聞改轍事更舉但得飲氣潛悲辛龍乎龍乎速奔
逸吾將與爾俱飛騰直上天池最幽處噓風吸浪陪鵬鵬

熊彥詩

彥詩字叔雅安仁人宣和六年進士靖康中爲太

學博士

屏山夜雪

夜深寒妥帖前村人斷絕何許小茅茨開門滿山雪

張致遠

致遠字子猷吉水人宣和六年進士官戶部侍郎

以顯謨閣待制致仕卒

按慶元黨禁作南劍人今據通志收入

百丈寺

微官驅我走塵埃每到林泉眼豁開蓮社未容書姓字又隨流水出山來

夏倪

倪字均父德安人竦孫宣和中自府曹左官祁陽監酒入江西宗派圖與饒德操張彥實友善有遠

遊堂集

按宋元詩會作蘄州人蓋英公謫黃州時遂家於蘄也

次韻漢陽蔡守題陽關圖

君不見季子敝盡黑貂裘一生車轍環九州使之負郭有
二頃未必肯相六國侯此郎亦復何爲者浪自出入不肯
休東風夾道羅供帳倚馬欲行那得上綠尊翠勺浩縱橫
四座哀歌互酬唱陰雲漠漠天四垂行子多著短後衣金
鵝滴瀝鳴翠珥負騰蹶倒穹廬兒漁舟微茫出浦溆遠山
無數迎脩眉傾曦馱醉出關去縱有離愁渠得知長安春
色濃如酒乃向斯時別親友可憐兒女浪辛苦奔走功名
遲華首濁醪百榼宵崔嵬暮色慘慘羈鴻哀羊腸鳥道天
尺五爾獨胡爲來此哉水有蛟鼉獐口眼陸有兕虎潛巖

隈嗟爾遊子不顧返寔貴有時終自來

跋聚蟻圖

紛然蟲臂蟻爭環爭與高人一解顏不待南柯昏宦畢始知身寄大槐間

和山谷游百花洲盤礴范文正公祠下以生存華屋處零落歸山邱爲韻賦十首

神文秉周禮廟樂奏九成當時夔一足不待魯諸生
嘖嘖鵲噪屋愔愔蛛網門我來九頓首生氣凜如存
堂堂古遺直心嚴貌無華人見不嫵媚何以娛大家
樸藪復樸藪何以棟我屋風雨莫輕搖南山無老木
有酒當自醕有室莫共處古今一邱貉何能坐飛語

夢回四賢篇長風吹人醒嗟哉不我見淚與秋露零
百代無幾人九原何可作不必溫御史解令君膽落
寶元乃多故公時總戎機胸中百萬兵要取橫山歸
公歸今幾時遺懿何班班公議要難沒言波可懷山
我心不可規滔滔誰與游向來秉大雅今復成一邛

題漢陽郎官湖

太白當年夜郎謫一尊聊與故人留南湖乞得郎官號從此名傳五百秋

劉愿

愿字恭叔新昌人博學負重名宣和六年進士歷官鼎丞二州倅趙鼎張浚交薦於朝除守沅州進

階中順大夫賜紫金魚袋命下而卒

題度門寺

山到秋來骨更奇
看山尋徑步逶迤
樓臺半與雲相亂
鐘梵時因風自移
萬卷生涯書可載
一身老去髮先知
我來尚想諸賢在
綠竹堂前壁上詩

邵棠

棠字仲甘號西坡都昌人宣和六年進士

道經柘溪靜林寺

青山萬疊倚晴空
中有招提一逕通
老衲不開塵世事
黃花紅葉共秋風

萬松嶺老僧

佛屋三間破冷開半通雲氣半蒼苔行人莫問僧年紀橫
上喬松是手栽

蔡 枏

枏字堅老南城人徽宗朝嘗爲宜春別駕乾道中
卒曾公卷呂居仁輩皆與倡和有雲壑隱居集浩
歌集

泊釣臺

高臺百尺凌雲碧維舟夜久霜月白瘦木窸窣搖枯藤寒
瀨潄潄落蒼石先生退隱知幾年漢家鐘鼎徒凌煙高風
千古磨不盡山水照映長明鮮我來俯仰慚羈旅衝寒愁
怕元冬暮此身不負白鷗盟誓此遲留亦何預起來搔首

江茫茫孤蓬卻逐雁隨陽人生遊行豈易得惟有此心難
相忘

登郡學稽古閣晚望

簷外川原迴煙中草樹微山城暮吹角客子淚沾衣歲月
經身老行藏與願違歸禽帶落日渺渺背人飛

詠新荷

朱闌橋下水平池四面無風柳自垂疑是水仙吟意嬾碧
羅箋卷未題詩

程瑀

瑀字伯寓浮梁人宣和中太學試第一官屯田郎
中謫監漳州鹽稅高宗朝累除兵部尚書龍圖閣

學士提舉江州太平宮卒有飽山集

拜程剛愍公墓

早從賓客傳青扉晚舉絲綸對紫微忠憤欲先同列死塵
沙驚繞屬車飛墓間挂劒心猶在帳下談經事已非太學
諸生皆白髮汪汪老淚濕征衣

畱隱軒

先生骯髒與誰同直道何妨竟不容欲約故人酬素志苦
求晚節隱青松圖開勝地詩篇重客倦僧房野興濃問舍
求田端有日從他百尺臥元龍

青峯山壯圖軒

溪流洶湧激溪垠土木頽移歲月新爲問寺前圓也未不

應久負壯圖人

識云青峰
圖出狀元

胡如壘

如壘字伯鏞萬年人以蔭入官欽宗初爲從政郎
劾蔡京童貫直聲震天下仕至大宗正有屏居集
答大年馬丞相

人生寄浮雲世味如嚼蠟寧分槽半食肯逐鳥三匝紛紛
相彼我此道方噂沓君看王孫猿愛惡卒難合吾儕異市
道所貴相知心臨分傾意氣泣下時沾襟古來耿介士不
憊惡木陰茫茫天宇間四顧徒悲吟

答吳尚書

豫讓能報國程嬰能保孤誰復千萬年名與日月俱卽今

天壤間斯人焉可無臨風每遐想泫然重嗟吁

後答吳尚書

渥注困鹽車帖耳聲復吞駑駘飽棧豆嘶鳴尚軒軒向來
溝中斷青黃卽犧樽薰臯旣同器玉石且俱燔物理安可
齊我今欲忘言

曾愚

是南豐人輩孫官朝散郎

題仲兄死節

兄忠果官司農丞通判温州需次於越金人陷越不屈死家屬四十餘人同日

害過

同寅驚膽落馬賊風颼颼君父綱維重華彝道不侔魂隨
金刃選血濺越江流原隰哀然處餘杭涕泣求

阮閱

閱字闕休舒城人宣和中知彬州建炎初移知袁州郡民化其德致仕後遂居宜春有松菊集

無訟堂詩

并序

袁人稱好訟比來假守見其士力學而知廉恥民樂善而好儉嗇於是待以平恕宥以寬簡愚則教之不從則刑之踰兩月而牒不盈百謂之好訟可乎因以郡圃之堂名曰無訟聊以雪袁人之謗庶幾後來者以平恕寬簡爲治而可以無事矣

欲爲袁人雪謗聲因將無訟榜堂名他時芟舍棠休翦近日園扉草已生自是索瘢求大察却疑束矢聽難明要知

江詩集 卷十三 三
本有農桑樂請看東郊隴上耕

黃花渡

曉渡黃花溪水湍鳴榔身在小沙灘盤斜曲踏畚田去露
下星稀霜月寒

宣風道上

馬蹄西去夕陽催濃淡寒山翠作堆北鴈無情怕秋熱帶
將寒信過江來

湘東驛至萍鄉

萍鄉路與醴陵通溪上長亭草木中行盡江南有山處門
前隔水是湘東

萍鄉絕句

春盡江南歸已遲
湘南風雨度花時
無因剪取湘江色
攜看江屏畫竹枝

分宜絕句

扶疎碧樹想吾廬
近隔清江幾舍餘
少聽光風吹剩水
未妨蕭寺曝新書

萬載縣

門橫路斷竹爲籬
雪色漫漫瓦屋稀
黃領青腰墟市罷
盡沾紅酒夕陽歸

春波亭

數葉荷衣一短蓑
春波亭上倚斜暉
無人會得詩中畫
凭盡闌干又獨歸

東樓

危城雉堞對東山
誰翺高樓十二欄
獨鶴不來松已老
春風動處日三竿

山陰堂

修竹蒼蒼似剡川
浮觴可繼永和年
不知誰有羲之筆
欲寫蘭亭第二篇

碧虛亭

筇竹枝彎屐齒搖
登臨身覺在煙霄
千峯險似三川峽
一水深如八月潮

湖亭

城外高堂俯碧灣
山如螺黛水如環
有時鼓棹來尋勝
直

到斜陽未欲還

蘇仙觀

寂寂星壇長綠苔井邊橘老又重栽城頭依舊東樓在未
見當時鶴再來

東山

藜杖芒屨過水東紅裙寂寞酒尊空郡人見我應相笑不
似山公與謝公

蘇雲卿

雲卿廣漢人與張浚爲布衣交浚以管樂期之紹興間結廬豫章之東湖灌園爲業人稱蘇翁浚爲
相馳書面幣屬豫帥親造其廬雲卿題詩蔬圃壁

間卽日逝去

還張德遠書幣題壁間

多年別作一番風誰料聲名達帝總自有時人求富貴莫
將富貴汙蘇公

江西詩微卷十三